

միկ դիմեաց գալ առ մեծութիւն ձեր, յորժամ տեսանի-
ցէք զբարձրագոյն հրովարտակա և զարքունական խիւայն՝
հաւատարմութեամբ գործեալիք, տալ հրաման դեսպա-
նին, ազգի և ժողովրդոց նորին կալ 'ի խաղաղութեան,
բառնալով զլատածառս վնասուց և նեղութեանց, որք կա-
մին ածել 'ի վերայ կալուածոց այգեաց և ուխտաւորաց
նոցին, չհակառակիլ ումեք գործոց եւ արարաց նոցին,
նեղութեամբ վնասուք և տուգանօք, զորս կատարեն ըստ
սովորութեան իւրեանց, և մի հնարել նորանոր իրս, կամ
նորոգել զանիրաւութիւնս և զզրկանս, զի յաւուրս յայ-
սոցիկ եղև սէր և խաղաղութիւն և դաշնակցութիւն ար-
քունեաց մերոց ընդ թագաւորին Վրաց: զի Իսլամ ժողո-
վորդք յաշխարհս նոցա են յոյժ 'ի յարգանս և 'ի մե-
ծարանս, և մեք սլարտիմք 'ի սլատուի ունել զնոսա, և
խնամել զվանօրայս զկալուածս զայգիս և զժողովուրդս
նոցա, զի խաղաղութեամբ բնակեացեն 'ի նոսա, և զերե-
ւելի ուխտաւորս որք գան առ նոսա: զի ամենայնն ըստ
կարգի և ըստ պատշաճի լիցի բարի, որովհետև հպատակ
կացին արքունեաց մերոց: Եւ հրովարտակա այս հաստա-
տեսցէ զնոսա առաջի ամենեցուն 'ի սեփհականութիւնս
իւրեանց: Բարձրեալն Աստուած պահեսցէ 'ի շնորհս իւր
զրեցաւ 'ի \ \ ձէմազիլ էվվէլ ամսոյ՝ Գ \ \ (1512):

Եհաս հրովարտակն յերուսողէմ առ մեծ նախարարն,
և յանձն առ կատարել զհրաման Սուլթանին, կոչեաց ըզ-
դատաւորս եւ զամենայն երեւելիս, ժողովեցան առ նա
'ի մեծամեծաց մինչեւ ցփոքունս, և գնացին 'ի վանս Ս.
Յակոբայ, որ էր յայնժամ արտաքոյ Երուսողէմի, առ 'ի
կատարել զհրաման Սուլթանին: ժողովեցան անդ բազմու-
թիւն 'ի Հայոց և 'ի Վրաց, և ինքն դեսպանն, որ եկեալ
էր յեղիպոսէ, և սկիզբն արար կուսակալն առաջի բազ-
մութեան ամենայն զգուշութեամբ քննել և 'ի դիր արձա-
նացուցանել: Եհարց ցմխարանս Հայոց և ասէ՝ ծանուցէք
ինձ վասն վանաց Ս. Յակոբայ, ունի՞ն վիրք բանս ինչ ըզ-
սմանէ, և նօքա ասեն, վանքս այս 'ի սկզբանէ անտի ժա-
ռանգութիւն է ազգին Հայոց և ոչ գիտեմք զայլս: և մա-
տուցին զհրովարտակա առաջին թագաւորաց, և զօրինա-
ւոր մուրհակա 'ի գատարանէ, որոց թուականքն անցա-